



Vopnafjarðarhreppur
Hamrahlíð 15
690 Vopnafjörður

INNANRÍKISRÁDUNEYTIÐ

Sölvhólsgötu 7 150 Reykjavík
sími: 545 9000 bréfasími: 552 7340
postur@irr.is irr.is

Reykjavík 3. maí 2013
Tilv.: IRR13040156/18.10.9

Með bréfi þessu staðfestir innanrikisráduneytið siðareglur fyrir kjörna fulltrúa í Vopnafjarðarhreppi, sbr. 29. gr. sveitarstjórnarlagi nr. 138/2011, sem því voru sendar með bréfi dags. 3. apríl 2013. Hjálagt er frumrit siðareglra Vopnafjarðarhrepps sem ráðuneytinu voru sendar, staðfestar með stimpli ráðuneytisins, dagsetningu og undirskrift.

Ráðuneytið minni á ákvæði 2. mgr. áður nefndrar greinar sveitarstjórnarlaganna þar sem kveðið er á um opinbera birtingu siðareglrnanna á vefsíðu sveitarfélagsins eða á annan sambærilegan hátt. Þá telur ráðuneytið rétt að í þeirri birtingu komi fram staðfesting ráðuneytisins.

Fyrir hönd ráðherra

Hermann Sæmundsson

Stefania Traustadóttir

Fylgiskj.: Staðfest frumrit siðareglra kjörinna fulltrúa Vopnafjarðarhrepps.



Siðareglur kjörinna fulltrúa í Vopnafjarðarhreppi

1. gr.

Markmið.

Markmið með reglum þessum er að skilgreina það háttarni og viðmót sem ætlast er til að kjörnir fulltrúar sýni af sér við störf sín fyrir hönd Vopnafjarðarhrepps. Reglur þessar ná til kjörinna sveitarstjórnarfulltrúa og annarra þeirra sem kjörnir eru til setu í nefndum og ráðum sveitarfélagsins.

2. gr.

Starfsskyldur kjörinna fulltrúa.

Kjörnir fulltrúar skulu í störfum sínum fylgja lögum, reglum og samþykktum Vopnafjarðarhrepps og jafnframt sannfæringu sinni. Ber þeim að starfa fyrst og fremst í þágu íbúanna og ber því að setja almannahagsmuni ofar sérhagsmunum, hvort heldur er sínum eigin, annarra einstaklinga eða einstakra hópa. Þeim ber ávallt að hafa í heiðri ýtrustu kröfur um ráðvendni, heiðarleika og réttlæti í störfum sínum í þágu sveitarfélagsins.

Kjörnir fulltrúar skulu ávallt hafa í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemadir um að annað en lögmað og málefnaleg sjónarmið ráði fór við stjórn sveitarfélagsins.

Kjörnir fulltrúar móta stefnu og eftirlit með rekstri sveitarfélagsins og skulu þeir gæta þess að rekstur sveitarfélagsins og framkvæmd stjórnsýslu á hverjum tima sé eins og best verður á kosið.

Kjörnir fulltrúar mega ekkert aðhafast sem í getur falist misnotkun á almannafé. Þá skulu þeir og upplýsa íbúa sveitarfélagsins um framkvæmd starfa sinna og öll þau atriði sem skipt geta málí í rekstri sveitarfélagsins. Kjörnir fulltrúar skulu ávallt reiðubúnir til að axla ábyrgð á sínum störfum.

3. gr.

Valdmörk.

Kjörnir fulltrúar skulu gæta þess að fara ekki út fyrir umboð sitt í störfum sínum og virða verkaskiptingu í stjórnkerfi sveitarfélagsins. Þeir skulu sýna störfum og réttindum annarra kjörinna fulltrúa og starfsmanna sveitarfélagsins virðingu.

4. gr.

Hagsmunárekstrar.

Kjörnir fulltrúar skulu ekki nýta sér stöðu sína í þágu einkahagsmuna sinna eða annarra sem eru þeim tengdir, hvort sem ávinnungur af sliku kemur fram strax eða síðar, þ.m.t. eftir að störfum fyrir sveitarfélagið lýkur.

Kjörnir fulltrúar skulu forðast hagsmunárekstra í störfum sínum. Um hæfi þeirra við meðferð einstakra mála fer eftir 20. gr. sveitarstjórnarlaga nr. 138/2011.

5. gr.

Ábyrgð á fjármálum.

Kjörnum fulltrúum ber að virða fjárhagsáætlun og grundvallarreglur um fjármálastjórnun til að tryggja réttmæta og ábyrga meðferð á almannafé. Við störf sín skulu kjörnir fulltrúar ekki aðhafast neitt sem getur falið í sér misnotkun á almannafé.

6. gr.

Gjafir og friðindi.

Kjörnum fulltrúum er óheimilt að þiggja greiðslur, gjafir eða önnur hlunnindi frá viðskiptamönum ef túlka má það sem endurgjald fyrir greiða.

7. gr.

Trúnaður.

Kjörnum fulltrúum ber að virða trúnað um það sem þeir fá vitneskju um í starfi sínu og gæta ber trúnaðar um. Þagnarskyldan helst þótt látið sé af starfi. Kjörnum fulltrúum ber jafnframt að virða trúnað um ummæli einstakra fundarmanna á lokuðum fundum í nefndum og ráðum sveitarfélagsins, sem og um innihald skjala eða annarra gagna, sem þeir fá aðgang að vegna starfa sinna og trúnaður skal vera um, enda byggi hann á lögmaðum og málefnalegum rökum.

8. gr.

Að virða hlutverk starfsmanna.

Kjörnir fulltrúar skulu í störfum sínum virða hlutverk starfsmanna sveitarfélagsins. Þeir mega ekki hlutast til um að starfsmenn geri neitt það sem hefur þann tilgang að verða kjörnum fulltrúum á beinan eða óbeinan hátt til hagsmunalegs ávinnings, né heldur aðila nátengdum þeim eða ákveðnum hópum eða fyrirtækjum.

9. gr.

Stöðuveitingar.


Kjörnum fulltrúum ber að koma í veg fyrir að einstaklingum sé veitt starf eða stöðuhækkun hjá sveitarfélagini á öðrum forsendum en hæfni til að rækja starfið og gæta þess, þegar þeir koma sjálfir að ákvörðun um val á starfsmönnum, að hæfasti umsækjandinn hljóti starfið.

10. gr.

Miðlun siðareglna til kjörinna fulltrúa, starfsfólks og almennings.

Kjörnir fulltrúar undirgangast þessar siðareglur með undirskrift sinni og lýsa því þar með yfir að þeir ætli að hafa þær að leiðarljósi. Siðareglurnar skulu vera aðgengilegar starfsfólki sveitarfélagsins, almenningi og fjölmöldum á heimasiðu Vopnafjarðarhrepps eða á annan þann hátt sem hreppsnefnd ákveður til að þessir aðilar geti gert sér grein fyrir meginreglum þeirra.

Samþykkt á fundi hreppsnefndar Vopnafjarðarhrepps 11. apríl 2013.


Þorsteinn Steinsson, sveitarstjóri
Vopnafirði

 SVEITARSTJÓRINN
VOPNAFIRÐI

Staðfesting Innanríkisráðuneytisins


INNANRÍKISRÁÐUNEYTISINS
RETTSLÍFARSKYLDRÍKINN